

গুরুতর অপরাধ মানুষ হত্যা



আলী হাসান তৈয়ব

সম্পাদনা : ড. আবু বকর মুহাম্মাদ যাকারিয়া

المكتب التعاوني للدعوة وتوعية الجاليات بالربوة

هاتف: +966114404900 فاكس: +9661144970126 ص ب: 29465 الرياض 11457

ISLAMIC PROPAGATION OFFICE IN RABWAH

P.O.BOX 29465 RIYADH 11457 TEL: +966 11 4454900 FAX: +966 11 4970126



OFFICERABWAH

من أعظم الجرم قتل النفس بغير حق (باللغة البنغالية)



علي حسن طيب

مراجعة: د/ أبو بكر محمد زكريا

المكتب التعاوني للدعوة وتوعية الجاليات بالربوة

هاتف: +966114404900 فاكس: +966114490126 ص ب: 29465 الرياض: 11457

ISLAMIC PROPAGATION OFFICE IN RABWAH

P.O.BOX 29465 RIYADH 11457 TEL: +966 11 4454900 FAX: +966 11 4970126



OFFICERABWAH

সংক্ষিপ্ত বর্ণনা.....

পৃথিবীতে যত রকমের গুনাহের কাজ রয়েছে তার মধ্যে সবচেয়ে বড় মহান আল্লাহর সঙ্গে কাউকে শরীক সাব্যস্ত করা। এরপর সবচেয়ে বড় গুনাহ অন্যায়ভাবে কাউকে হত্যা করা। হস্তারকের জন্য মহান আল্লাহ দুনিয়ায় বড় শাস্তি এবং আখেরাতে তীব্র আযাবের ঘোষণা দিয়েছেন। কুরআন ও হাদীসের বিভিন্ন উদ্ধৃতির আলোকে বক্ষমান নিবন্ধে সে বিষয়টিই তুলে ধরা হয়েছে।

গুরুতর অপরাধ মানুষ হত্যা

অশান্তির আগুনে ঘেরা পৃথিবী। দ্বন্দ্ব-
সংঘাতে ভরা অবনী। এ পৃথিবীতে এখন
মানবজীবনের চেয়ে সস্তা কিছু নেই।
বিশেষত বাংলাদেশের মতো তৃতীয়বিশ্বের
দেশগুলোয় মাত্র ১০ টাকার জন্যও মানুষ
খুন হচ্ছে। মিডিয়ায় কান পাতলে কিংবা
সংবাদপত্রের পাতায় চোখ রাখলেই
নিহতের স্বজনের আহাজারী আর মাতমের
দৃশ্য থাকবেই। সন্তানের হাতে জন্মদাতা
কিংবা জন্মদাতার হাতে সন্তান, স্বামীর
হাতে স্ত্রী কিংবা স্ত্রীর হাতে স্বামী, শিক্ষকের

হাতে ছাত্র কিংবা ছাত্রের হাতে শিক্ষক,
কর্মচারীর হাতে মালিক কিংবা মালিকের
হাতে কর্মচারী, নিরাপত্তা বাহিনীর হাতে
সাধারণ নাগরিক কিংবা নাগরিকের হাতে
নিরাপত্তা বাহিনীর সদস্য খুন- কোনোটাই
যেন এখন আর অস্বাভাবিক নয়!

এদিকে কথিত উন্নত ও সভ্য দেশগুলো
মোড়লিপনা দেখাতে গিয়ে বিশ্বের বিভিন্ন
দেশে আগ্রাসন চালিয়ে খুন করছে হাজার
হাজার নিরপরাধ মানুষকে। যারা মুসলিম
দেশগুলোকে মানবাধিকারের সবক দেয়,
তারাই আবার মযলুম মুসলিম দেশগুলোয়

প্রতিদিন নিষ্পাপ শিশু ও অসহায় নারী ও
বৃদ্ধদের উপর বোমা নিক্ষেপ করছে।
পৃথিবীর মানচিত্রজুড়েই এখন মুসলিমের
তপ্ত খুনের ছোপছোপ দাগ।

অতি সম্প্রতি বাংলাদেশে যোগ হয়েছে গুম
নামের এক আতঙ্ক। সুস্থ-সবল মানুষকে
চোখের সামনে পরিবার থেকে উঠিয়ে
নিচ্ছে আর সে লোকটি ঘরে ফিরছে লাশ
হয়ে। কখনো এ লাশটিও আর ফেরত
পাচ্ছে না হতভাগা পরিবার। কে নিচ্ছে,
কোথায় নিচ্ছে, কারা নিচ্ছে- কোনোটিরই
যেন হৃদিস নেই।

পৃথিবীর তাবৎ মানুষের মতো বাংলাদেশের নাগরিকরাও এ হত্যা-নৈরাজ্য থেকে পরিত্রাণ খুঁজে ফিরছে। মুক্তির অশ্বেষায় তারাও যত্রতত্র ধর্না দিচ্ছে। কিন্তু কাজের কাজ কিছুই হচ্ছে না। লাশের মিছিল কেবল দীর্ঘ থেকে দীর্ঘতরই হচ্ছে। এমতাবস্থায় আর সব সমস্যার মতো এর সমাধানেও ইসলামই হতে পারে হতাশায় আলোকদিশা। উপায়হীনের অব্যর্থ উপায়। সেটি হলো, আমাদেরকে অবশ্যই ইসলামের শিক্ষায় শিক্ষিত হতে হবে। তুলে ধরতে হবে ইসলামের অমলধবল

আলোকশিখা ।

পবিত্র কুরআন ও সুন্নাহের অমূল্য বাণীগুলো মানব হত্যাকে হারাম ঘোষণা করেছে। অন্যায়ভাবে অপরের প্রাণ হরণকে তালিকাভুক্ত করা হয়েছে বড় গুনাহসমূহের। শুধু তাই নয় পৃথিবীতে যত রকমের গুনাহের কাজ রয়েছে তার মধ্যে সবচেয়ে বড় মহান আল্লাহর সঙ্গে কাউকে অংশীদার বা শরীক সাব্যস্ত করা। এরপর সবচেয়ে বড় গুনাহ অন্যায়ভাবে কাউকে হত্যা করা। হত্যারকের জন্য মহান আল্লাহ দুনিয়ায় বড় শাস্তি এবং আখেরাতে তীব্র

আযাবের ঘোষণা দিয়েছেন। যেমন, আল্লাহ
তা‘আলা বলেন,

﴿قُلْ تَعَالَوْا أَتْلُ مَا حَرَّمَ رَبُّكُمْ عَلَيْكُمْ أَلَّا تُشْرِكُوا
بِهِ شَيْئًا وَبِالْوَالِدَيْنِ إِحْسَانًا وَلَا تَقْتُلُوا أَوْلَادَكُمْ
مِنْ إِمْلَاقٍ نَحْنُ نَرْزُقُكُمْ وَإِيَّاهُمْ وَلَا تَقْرَبُوا
الْفَوَاحِشَ مَا ظَهَرَ مِنْهَا وَمَا بَطَنٌ وَلَا تَقْتُلُوا النَّفْسَ
الَّتِي حَرَّمَ اللَّهُ إِلَّا بِالْحَقِّ ذَٰلِكُمْ وَصَّوْكُمْ بِهِ
لَعَلَّكُمْ تَعْقِلُونَ ﴿١٥١﴾﴾ [الانعام: ١٥١]

‘বল, “এসো, তোমাদের ওপর তোমাদের
রব যা হারাম করেছেন, তা তিলাওয়াত
করি যে, তোমরা তার সাথে কোন কিছুকে

শরীক করবে না এবং মা-বাবার প্রতি
 ইহসান করবে আর দারিদ্র্যের কারণে
 তোমাদের সন্তানদেরকে হত্যা করবে না।
 আমরাই তোমাদেরকে রিযিক দিই এবং
 তাদেরকেও। আর অশ্লীল কাজের
 নিকটবর্তী হবে না- তা থেকে যা প্রকাশ
 পায় এবং যা গোপন থাকে। আর বৈধ
 কারণ ছাড়া তোমরা সেই প্রাণকে হত্যা
 করো না, আল্লাহ যা হারাম করেছেন।
 এগুলো আল্লাহ তোমাদেরকে নির্দেশ
 দিয়েছেন, যাতে তোমরা বুঝতে পার।”
 [সূরা আল-আন‘আম, আয়াত: ১৫১]

তাফসীরকার বাগবী রহ. বলেন, এ আয়াতে আল্লাহ যে কোনো মুমিন ও মুসলিম রাষ্ট্রে ট্যাক্স প্রদানকারী অমুসলিম নাগরিককে অন্যায়ভাবে হত্যা হারাম ঘোষণা করেছেন। হত্যার ন্যায়সঙ্গত কারণের মধ্যে রয়েছে ইরতিদাদ তথা কোনো মুসলিমের ইসলাম ধর্মত্যাগ, কিসাস তথা হত্যার বদলে হত্যা এবং রজম তথা বিবাহিত ব্যক্তির জেনা-ব্যভিচারের দণ্ড।¹

আরেক আয়াতে আল্লাহ তা‘আলা বলেন,

¹ মা‘আলিমুত তানযীল : ৩/২০৩।

﴿وَالَّذِينَ لَا يَدْعُونَ مَعَ اللَّهِ إِلَهًا آخَرَ وَلَا يَقْتُلُونَ
 النَّفْسَ الَّتِي حَرَّمَ اللَّهُ إِلَّا بِالْحَقِّ وَلَا يَزْنُونَ وَمَنْ
 يَفْعَلْ ذَلِكَ يَلْقَ أَثَامًا ﴿٦٨﴾ يُضْعَفُ لَهُ الْعَذَابُ يَوْمَ
 الْقِيَامَةِ وَيَخْلُدُ فِيهِ مُهَانًا ﴿٦٩﴾﴾ [الفرقان: ٦٧،

[٦٨

“আর যারা আল্লাহর সাথে অন্য ইলাহকে
 ডাকে না এবং যারা আল্লাহ যে নাফসকে
 হত্যা করা নিষেধ করেছেন যথার্থ কারণ
 ছাড়া তাকে হত্যা করে না। আর যারা
 ব্যভিচার করে না। আর যে তা করবে সে
 আযাবপ্রাপ্ত হবে। কিয়ামতের দিন তার
 আযাব বর্ধিত করা হবে এবং সেখানে সে

অপমানিত অবস্থায় স্থায়ী হবে।” [সূরা
আল-ফুরকান, আয়াত: ৬৮-৬৯]

কাউকে অন্যায়ভাবে হত্যা করা হলে
ইসলাম তার প্রতিকারের কার্যকর ব্যবস্থা
নির্দেশ করেছে। আল্লাহ তা‘আলা বলেন,

﴿وَلَا تَقْتُلُوا النَّفْسَ الَّتِي حَرَّمَ اللَّهُ إِلَّا بِالْحَقِّ وَمَنْ
قُتِلَ مَظْلُومًا فَقَدْ جَعَلْنَا لَوْلِيَّهِ سُلْطٰنًا فَلَا يُسْرِفُ
فِي الْقَتْلِ إِنَّهُ كَانَ مَنْصُورًا ﴿٣٣﴾﴾ [الاسراء: ٣٣]

“আর তোমরা সেই নাফসকে হত্যা করো না,
যা আল্লাহ হারাম করেছেন, সঙ্গত কারণ
ছাড়া। যে অন্যায়ভাবে নিহত হয় আমরা

অবশ্যই তার অভিভাবককে ক্ষমতা দিয়েছি।
 সুতরাং হত্যার ব্যাপারে সে সীমালঙ্ঘন করবে
 না; নিশ্চয় সে হবে সাহায্যপ্রাপ্ত।” [সূরা আল-
 ইসরা, আয়াত: ৩৩]

এ আয়াতে কিসাস তথা হত্যার বদলা
 হিসেবে হত্যার বিধানের প্রতি ইঙ্গিত করা
 হয়েছে। অন্য সূরায় যেটি পরিষ্কার করে
 বলা হয়েছে। যেমন, আল্লাহ তা‘আলা
 বলেন,

﴿وَكَتَبْنَا عَلَيْهِمْ فِيهَا أَنَّ النَّفْسَ بِالنَّفْسِ وَالْعَيْنَ
 بِالْعَيْنِ وَالْأَنْفَ بِالْأَنْفِ وَالْأُذُنَ بِالْأُذُنِ وَالسِّنَّ
 بِالسِّنِّ وَالْجُرُوحَ قِصَاصٌ فَمَن تَصَدَّقَ بِهِ فَهُوَ

كَفَّارَةٌ لَهُ، وَمَنْ لَّمْ يَجْحُمْ بِمَا أَنْزَلَ اللَّهُ فَأُولَئِكَ
 هُمُ الظَّالِمُونَ ﴿٤٥﴾ [المائدة: ٤٥]

“আর আমরা এতে তাদের ওপর
 অবধারিত করেছি যে, প্রাণের বিনিময়ে
 প্রাণ, চোখের বিনিময়ে চোখ, নাকের
 বিনিময়ে নাক, কানের বিনিময়ে কান ও
 দাঁতের বিনিময়ে দাঁত এবং জখমের
 বিনিময়ে সমপরিমাণ জখম। অতঃপর যে
 তা ক্ষমা করে দেবে, তার জন্য তা
 কাফ্যারা হবে। আর আল্লাহ যা নাযিল
 করেছেন, তার মাধ্যমে যারা ফয়সালা

করবে না, তারাই যালিম।” [সূরা আল-
মায়েদাহ, আয়াত: ৪৫]

বর্তমান অন্যায অবিচারে ভরা জগতের
অনেক মানুষ ইসলামের এ বিধানটিকে
অমানবিক আবার কোনো কোনো অ বিশ্বাসী
একে বর্বর পর্যন্তও বলে বসেন। অথচ
বর্তমান পৃথিবীর বাস্তবচিত্রও সাক্ষ্য দেয়
আপাতদৃষ্টিতে কঠোর মনে হলেও এর
মাধ্যমেই মানবজাতির মুক্তি ও শান্তি
নিশ্চিত করা হয়েছে। আমরা বুঝি না
বলেই যত অমূলক সমালোচনা। কিসাসের
আয়াতের শেষাংশে যেমন

‘বিবেকসম্পন্নগণ’ বলে ইঙ্গিত করা হয়েছে। আল্লাহ তা‘আলা বলেন,

﴿يَأْتِيهَا الَّذِينَ ءَامَنُوا كُتِبَ عَلَيْكُمُ الْقِصَاصُ فِي الْقَتْلِ ۗ الْحُرُّ بِالْحُرِّ وَالْعَبْدُ بِالْعَبْدِ وَالْأُنثَىٰ بِالْأُنثَىٰ ۗ فَمَنْ عُفِيَ لَهُ مِنْ أَخِيهِ شَيْءٌ فَاتِّبَاعٌ بِالْمَعْرُوفِ وَأَدَاءٌ إِلَيْهِ بِإِحْسَانٍ ۗ ذَلِكَ تَخْفِيفٌ مِّن رَّبِّكُمْ وَرَحْمَةٌ ۗ فَمَنِ اعْتَدَىٰ بَعْدَ ذَلِكَ فَلَهُ عَذَابٌ أَلِيمٌ ﴿١٧٨﴾ وَلَكُمْ فِي الْقِصَاصِ حَيَوةٌ يَّأُولِي الْأَلْبَابِ

[البقرة: ١٧٨، ١٧٩] ﴿١٧٩﴾ لَعَلَّكُمْ تَتَّقُونَ ﴿١٧٩﴾

“হে মুমিনগণ, নিহতদের ব্যাপারে তোমাদের উপর ‘কিসাস’ ফরয করা

হয়েছে। স্বাধীনের বদলে স্বাধীন, দাসের
বদলে দাস, নারীর বদলে নারী। তবে
যাকে কিছুটা ক্ষমা করা হবে তার ভাইয়ের
পক্ষ থেকে, তাহলে সততার অনুসরণ
করবে এবং সুন্দরভাবে তাকে আদায় করে
দেবে। এটি তোমাদের রবের পক্ষ থেকে
হালকাকরণ ও রহমত। সুতরাং এরপর যে
সীমালঙ্ঘন করবে, তার জন্য রয়েছে
যন্ত্রণাদায়ক আযাব। আর হে
বিবেকসম্পন্নগণ, কিসাসে রয়েছে
তোমাদের জন্য জীবন, আশা করা যায়

তোমরা তাকওয়া অবলম্বন করবে।” [সূরা
আল-বাকারাহ, আয়াত: ১৭৮-১৭৯]

পৃথিবীতে হত্যার পরিসংখ্যান দেখলে জানা
যাবে, সৌদি আরব যেখানে একমাত্র এই
কিসাস ব্যবস্থা এখনো বলবৎ রয়েছে,
সবচেয়ে কম খুনোখুনির ঘটনা ঘটে।
ইসলামকে যারা বর্বর বলে তারা শুধু
জ্ঞানপাপীই নয়, মুর্থও বটে। কারণ,
ইসলামই পৃথিবীর একমাত্র দীন যেখানে যে
কোনো নিরপরাধ মানুষের প্রাণসংহারকে
মানবতাবিরোধী ও মানবজাতির হত্যার

তুল্য অপরাধ হিসেবে বিবেচনা করা হয়েছে। আল্লাহ তা‘আলা বলেন,

﴿مِنْ أَجْلِ ذَلِكَ كَتَبْنَا عَلَىٰ بَنِي إِسْرَائِيلَ أَنَّهُ مَن قَتَلَ نَفْسًا بِغَيْرِ نَفْسٍ أَوْ فَسَادٍ فِي الْأَرْضِ فَكَأَنَّمَا قَتَلَ النَّاسَ جَمِيعًا وَمَنْ أَحْيَاهَا فَكَأَنَّمَا أَحْيَا النَّاسَ جَمِيعًا وَلَقَدْ جَاءَتْهُمْ رُسُلُنَا بِالْبَيِّنَاتِ ثُمَّ إِنَّ كَثِيرًا مِّنْهُمْ بَعْدَ ذَلِكَ فِي الْأَرْضِ لَمُسْرِفُونَ ﴿٢٢﴾﴾ [المائدة:

[৩২

“এ কারণেই, আমরা বনী ইসরাঈলের ওপর এই হুকুম দিলাম যে, যে ব্যক্তি কাউকে হত্যা করা কিংবা যমীনে ফাসাদ

সৃষ্টি করা ছাড়া যে কাউকে হত্যা করল, সে যেন সব মানুষকে হত্যা করল। আর যে তাকে বাঁচাল, সে যেন সব মানুষকে বাঁচাল। আর অবশ্যই তাদের কাছে আমার রাসূলগণ সুস্পষ্ট নিদর্শনসমূহ নিয়ে এসেছে। তা সত্ত্বেও এরপর যমীনে তাদের অনেকে অবশ্যই সীমালঙ্ঘনকারী।” [সূরা আল-মায়দাহ, আয়াত : ৩২]

তেমনি রাসূলুল্লাহ সাল্লাল্লাহু ‘আলাইহি ওয়াসাল্লামও হত্যাকাণ্ডকে গুরুতর অপরাধ হিসেবে আখ্যায়িত করেছেন। আনাস ইবন মালেক রাদিয়াল্লাহু ‘আনহু থেকে বর্ণিত,

রাসূলুল্লাহ সাল্লাল্লাহু আলাইহি ওয়াসাল্লাম
বলেন,

«أَكْبَرُ الْكَبَائِرِ الْإِشْرَاكُ بِاللَّهِ وَقَتْلُ النَّفْسِ،
وَعُقُوقُ الْوَالِدَيْنِ، وَقَوْلُ الزُّورِ».

“কবীরা গুনাহগুলোর মধ্যে সবচেয়ে বড়
গুনাহ হলো আল্লাহর সঙ্গে শিরক করা,
নিরপরাধ মানুষকে হত্যা করা, পিতামাতার
অবাধ্য হওয়া এবং মিথ্যা কথা বলা।”²

². সহীহ বুখারী, হাদীস নং ৬৮৭১; সহীহ মুসলিম,
হাদীস নং ৮৮।

আবদুল্লাহ ইবন মাসউদ রাদিয়াল্লাহু ‘আনহু থেকে বর্ণিত, রাসূলুল্লাহ সাল্লাল্লাহু ‘আলাইহি ওয়াসাল্লাম বলেন,

«أَوَّلُ مَا يُقْضَى بَيْنَ النَّاسِ فِي الدَّمَاءِ».

“কিয়ামতের দিন মানুষের মধ্যে প্রথম বিচার করা হবে রক্তপাত সম্পর্কে।”^{3,4}

3. ইমাম নববী রহ. বলেন, এ হাদীসে রক্তপাতের অপরাধের গুরুতরতা তুলে ধরা হয়েছে। আর তা হলো কিয়ামতের দিন মানুষের মধ্যে যত বিষয়ে বিচারাচার হবে রক্তপাত তার মধ্যে প্রথম। এ হাদীসটি সুনানগুলোয় বর্ণিত, *أَوَّلُ مَا يُحَاسَبُ بِهِ*

আবু হুরায়রা রাদিয়াল্লাহু ‘আনহু থেকে
বর্ণিত, রাসূলুল্লাহ সাল্লাল্লাহু আলাইহি
ওয়াসাল্লাম বলেন :

العَبْدُ الصَّالِيءُ “প্রথম যে বিষয়ে বিচার করা হবে
তা হলো সালা” হাদীসের সঙ্গে সাংঘর্ষিক নয়।
[তিরমিযী, হাদীস নং ৩৯৯১] কারণ, সালাতের
হাদীসের বিষয়টি বান্দা ও আল্লাহর হকের সঙ্গে
সম্পৃক্ত। পক্ষান্তরে আলোচ্য হাদীসটি বান্দার হক
সংক্রান্ত। [শরহু সহীহ মুসলিম ১১/১৬৭]

4. সহীহ বুখারী, হাদীস নং ৬৩৫৭; সহীহ মুসলিম,
হাদীস নং ৩১৭৮।

«اجْتَنِبُوا السَّبْعَ الْمُوبِقَاتِ». قَالُوا يَا رَسُولَ اللَّهِ وَمَا هُنَّ قَالَ «الشِّرْكَ بِاللَّهِ، وَالسَّحْرُ، وَقَتْلُ النَّفْسِ الَّتِي حَرَّمَ اللَّهُ إِلَّا بِالْحَقِّ، وَأَكْلُ الرِّبَا، وَأَكْلُ مَالِ الْيَتِيمِ، وَالتَّوَلَّى يَوْمَ الزَّحْفِ، وَقَذْفُ الْمُحْصَنَاتِ الْمُؤْمِنَاتِ الْغَافِلَاتِ».

“তোমরা সাতটি ধ্বংসাত্মক কাজ থেকে বিরত থাক। সাহাবীগণ জিজ্ঞেস করলেন, সেগুলো কী হে আল্লাহর রাসূল? তিনি বললেন, ১. আল্লাহর সাথে শরীক করা ২. জাদু করা ৩. অন্যায়ভাবে নিরপরাধ লোককে হত্যা করা ৪. সুদ খাওয়া ৫. এতিমের সম্পদ আত্মসাৎ করা ৬. রণক্ষেত্র

থেকে পলায়ন করা ৭. সুরক্ষিত পবিত্রা নারীকে অপবাদ দেওয়া।”⁵

ইবন উমার রাদিয়াল্লাহু ‘আনহুমা থেকে বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম বলেন,

«لَنْ يَزَالَ الْمُؤْمِنُ فِي فُسْحَةٍ مِنْ دِينِهِ، مَا لَمْ يُصِْبْ دَمًا حَرَامًا».

⁵. সহীহ বুখারী, হাদীস নং ৬৮৫৬; সহীহ মুসলিম, হাদীস নং ১২৯।

“মুমিন তার দীনের ব্যাপারে সর্বদা অবকাশের মধ্যেই থাকে যাবৎ না সে নিষিদ্ধ রক্তপাত ঘটায়।”^৬

ইবন আব্বাস রাদিয়াল্লাহু ‘আনহু থেকে বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম বলেন,

«يَجِيءُ الْمَقْتُولُ بِالْقَاتِلِ يَوْمَ الْقِيَامَةِ نَاصِيئُهُ وَرَأْسُهُ
بِيَدِهِ وَأُودَاجُهُ تَشْحُبُ دَمَا يَقُولُ يَا رَبِّ هَذَا قَتَلَنِي
حَتَّى يُدْنِيَهُ مِنَ الْعَرْشِ».

^৬ সহীহ বুখারী, হাদীস নং ৬৮৬২।

“কিয়ামতের দিন নিহত ব্যক্তি হস্তারককে নিয়ে আসবে। তার চুলের অগ্রভাগ ও মাথা নিহতের হাতের মুষ্টিতে থাকবে আর তার কণ্ঠনালী থেকে তখন রক্ত ঝরতে থাকবে। সে বলবে, হে রব, এ ব্যক্তি আমাকে হত্যা করেছে। এমনকি সে তাকে ‘আরশের কাছে নিয়ে যাবে।’”⁷

7. তিরমিযী, হাদীস নং ২৯৫৫; মুসনাদ আহমদ, হাদীস নং ২৫৫১; সিলসিলা সহীহা, হাদীস নং ২৬৯৭।

আবু সাঈদ খুদরী রাদিয়াল্লাহু ‘আনহু থেকে
বর্ণিত, রাসূলুল্লাহ সাল্লাল্লাহু আলাইহি
ওয়াসাল্লাম বলেন,

«يَخْرُجُ عُنُقُ مِنَ النَّارِ يَتَكَلَّمُ يَقُولُ: وَكَلْتُ الْيَوْمَ
بِثَلَاثَةٍ: بِكُلِّ جَبَّارٍ، وَبِمَنْ جَعَلَ مَعَ اللَّهِ إِلَهًا آخَرَ،
وَبِمَنْ قَتَلَ نَفْسًا بِغَيْرِ نَفْسٍ، فَيَنْطَوِي عَلَيْهِمْ
فَيَقْذِفُهُمْ فِي عَمْرَاتِ جَهَنَّمَ».

“জাহান্নাম থেকে একটি গলা বের হয়ে
কথা বলতে শুরু করবে। সে বলবে, আজ
আমি তিন ব্যক্তির প্রতি ন্যস্ত হয়েছি :
প্রত্যেক অত্যাচারী, যে আল্লাহর সঙ্গে অন্য
কাউকে শরীক স্থির করে এবং ঐ ব্যক্তি যে

অন্যায়ভাবে কাউকে হত্যা করে। অতপর
সে তাদের থাবা দিয়ে কজা করবে এবং
জাহান্নামের গহীনে তাদের নিক্ষেপ
করবে।”^৪

আবদুল্লাহ ইবন উমার রাদিয়াল্লাহু ‘আনহুমা
থেকে বর্ণিত, তিনি বলেন,

«إِنَّ مِنْ وَرَطَاتِ الْأُمُورِ الَّتِي لَا مَخْرَجَ لِمَنْ أَوْقَعَ
نَفْسَهُ فِيهَا، سَفَكَ الدَّمَ الْحَرَامَ بِغَيْرِ حِلِّهِ».

৪. মুসনাদ আহমদ, হাদীস নং ১১৩৭২, সহীহ;
সিলসিলা সহীহা, হাদীস নং ২৬৯৯।

“যেসব পরিত্রাণ অযোগ্য, মানুষ ধ্বংসে পতিত হয় তার অন্যতম হলো বৈধ কারণ ছাড়া নিষিদ্ধ রক্ত ঝরানো।”^৯

বলাবাহুল্য, এসব গেল হত্যা ও খুনোখুনির আইনী প্রতিকারের দিক। সত্যিকারার্থে পরিত্রাণ চাইলে আমাদেরকে এর নৈতিক দিকগুলোও বিবেচনায় নিতে হবে। ক্রমবর্ধমান মূল্যবোধের অবক্ষয় ও মানবিক গুণাবলির অধোঃপাতের কথাও চিন্তা

^৯ সহীহ বুখারী, হাদীস নং ৬৮৬৩।

করতে হবে। পবিত্র কুরআনে আল্লাহ
তা‘আলা বলেন,

﴿ظَهَرَ الْفَسَادُ فِي الْبَرِّ وَالْبَحْرِ بِمَا كَسَبَتْ أَيْدِي
النَّاسِ لِيُذِيقَهُمْ بَعْضَ الَّذِي عَمِلُوا لَعَلَّهُمْ يَرْجِعُونَ
[الروم: ٤١] ﴿٤١﴾

“মানুষের কৃতকর্মের দরুন স্থলে ও সমুদ্রে
ফাসাদ প্রকাশ পায়। যার ফলে আল্লাহ
তাদের কতিপয় কৃতকর্মের স্বাদ তাদেরকে
আস্বাদন করান, যাতে তারা ফিরে আসে।”
[সূরা আর-রুম, আয়াত: ৪১]

সত্যিই তো আজ যেসব সামাজিক ব্যাধি ও সমস্যায় আমরা নাকাল, এর দায় তো আমাদেরই। আমাদের ব্যক্তিগত আমল ও আচরণের দিকে তাকালেই সেটা পরিষ্কার দেখা যায়। কিয়ামত যত ঘনিয়ে আসছে অবস্থার যেন ততই অবনতি ঘটছে। আবু হুরায়রা রাদিয়াল্লাহু আনহু থেকে বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম বলেন,

لَا تَقُومُ السَّاعَةُ حَتَّى يَكْثُرَ الْهَرْجُ قَالُوا وَمَا الْهَرْجُ
يَا رَسُولَ اللَّهِ قَالَ الْقَتْلُ الْقَتْلُ

“কিয়ামত ততক্ষণ সংঘটিত হবে না যতক্ষণ না হারাজ বেশি হবে। সাহাবায়ে কেরাম

জিজ্ঞাসা করলেন, ‘হারাজ’ কী হে আল্লাহর রাসূল? তিনি বললেন হত্যা, হত্যা।”¹⁰

হত্যাকাণ্ডের এ রাহুগ্রাস থেকে মুক্তি পেতে আমাদের যেমন আল্লাহর আইনের সুফল অনুধাবন জরুরী, আইনের শাসন ও ন্যায় বিচার জরুরী, তেমনি প্রয়োজন নিজেদের সব ধরনের অন্যায়, অবিচার ও যাবতীয় পাপাচার থেকে একনিষ্ঠভাবে তাওবা করা। নিজেদের সন্তান তথা ভবিষ্যত প্রজন্মকে আল্লাহভীতি ও নৈতিকতার বলে বলীয়ান

¹⁰ সহীহ মুসলিম, হাদীস নং ৫১৪৩।

হিসেবে গড়ে তোলা। সব ধরনের অশ্লীলতা
ও বেহায়পনা থেকে তাদেরকে যে কোনো
মূল্যে দূরে রাখা। বলিউড হলিউডের
সিনেমা আর স্যাটেলাইট কালচার আমাদের
সন্তানদের মানবিক বিকাশকে শুধু
বাধাগ্রস্তই করছে না, তাদেরকে হিংস্র ও
নরপশু বানিয়ে ছাড়ছে। পার্থিব ভোগ
লালসা মানুষকে অন্ধ ও বধির বানিয়ে
ছাড়ছে। আল্লাহ আমাদের অনুধাবন ও
সংশোধনের তাওফীক দান করুন। আমীন!